

ԼՈՍ ԱՆՋԵԼԵՍ ՎԱՐՉԱՇՐՋԱՆԻ ՀՈԳԵԿԱՆ ԱՌՈՂՋՈՒԹՅԱՆ ՎԱՐՉՈՒԹՅԱՆ ԻՆՖՐԱՑԱԾՐ ՀԱՃԱԽԱԿԱՆՈՒԹՅԱՆ (ILF) ՆԵՅՐՈԿԵՆՍԱԿԱՌԱՎԱՐՄԱՆ ԲՈՒԺՈՒՄ

Ի՞նչ է ինֆրացածր հաճախականության (ILF) նեյրոկենսակառավարումը:

Նեյրոկենսակառավարումը գոյություն ունի ավելի քան 30 տարի: Նեյրոկենսակառավարումը ոչ ինվազիվ բուժում է, որն օգտագործում է ուղեղի ինքնակարգավորման սեփական ունակությունը: ILF նեյրոկենսակառավարումը կենտրոնանում է ուղեղի կանոնավոր էլեկտրական ակտիվության (ուղեղի ալիքների) մարզման վրա: Նեյրոկենսակառավարումը գործընթաց է, որը ներառում է ձեր գլխին սենսորների տեղադրում՝ ձեր ուղեղի ալիքները վերահսկելու համար: Ահա թե ինչպես է այն աշխատում:

1. Հայտնաբերում. Սենսորները գրանցում են ձեր ուղեղի ալիքային ակտիվությունը:
2. Հետադարձ կապ. Այս տեղեկատվությունն ուղարկվում է համակարգչային ծրագրի, որը տրամադրում է իրական ժամանակի հետադարձ կապ: Դուք գուցե կտեսնեք տեսողական ազդանշաններ (օրինակ՝ տեսախաղ) կամ զգալ շոշափելի հետադարձ կապ՝ ձեր ծնկներին դրված դողացող փափուկ խաղալիքի տեսքով կամ լսել ձայներ, որոնք փոխվում են՝ կախված ձեր ուղեղի ակտիվությունից:
3. Ուղեցույց. Հետադարձ կապն օգնում է ձեր ուղեղի ալիքներն ուղղորդել դեպի ցանկալի վիճակ՝ հնարավորություն ընձեռելով բարելավելու տրամադրությունը, կենտրոնացումը և ընդհանուր բարեկեցությունը:

Կարճ ասած՝ նեյրոկենսակառավարումը սովորեցնում է ձեր ուղեղին գործել իր ամենաառողջ վիճակում՝ ներգրավելով հետադարձ կապը՝ դրական փոփոխություններ խթանելու համար:

Նեյրոկենսակառավարման սեանսի նկարագրությունը.

- Հոգեկան առողջության անձնակազմի անդամը կհարցնի այն վարքագծերի և ախտանիշների մասին, որոնք բարելավելու վերաբերյալ հաճախորդին կարող է օգնություն անհրաժեշտ լինել: Հաղորդված վարքագծերն ու ախտանիշները կորոշեն համակարգչային ծրագրում մուտքագրվող տեղեկատվությունը և սենսորների տեղադրումը գլխի/գլխամաշկի վրա:
- Սեանսի ընթացքում հաճախորդները կլինեն արթուն և հարմարավետ նստած: Անզգայացման կամ հանգստացնող միջոցներ չեն կիրառվի:
- Հոգեկան առողջության անձնակազմի անդամը սենսորներ կտեղադրի հաճախորդի գլխի որոշակի տեղում: Այդ տեղը կմաքրվի սպիրտով, ու prep-ով (մեղմ հղկող միջոց) և կավելացվի մածուկ, որպեսզի սենսորները մնան գլխի վրա:
- Սեանսի ընթացքում սենսորները գրանցում են ուղեղի ալիքները, որոնք ուղեղի էլեկտրական ակտիվությունն են: Համակարգչային ծրագիրն օգտագործում է ուղեղային ալիքներ՝ հետադարձ կապ ստեղծելու համար, որը հաճախորդը կտեսնի համակարգչի մոնիտորի վրա:
- Հաճախորդը ձեռքին կունենա որևէ մի առարկա՝ շոշափելի հետադարձ կապի համար (թրթռացող փափուկ խաղալիք), կդիտի տեսանյութ կամ համակարգչային խաղ կխաղա տեսողական հետադարձ կապի համար, մինչ սենսորները կտեղադրվեն գլխին: Հաճախորդներն ու խնամողները հոգեկան առողջության անձնակազմի անդամին կտեղեկացնեն առաջընթացի մասին՝ յուրաքանչյուր հանդիպման ժամանակ հաղորդելով

Այս գաղտնի տեղեկատվությունը տրամադրվում է ձեզ՝ ըստ նախանգալի և դաշնային օրենքների և կանոնակարգերի, որը ներառում, բայց չի սահմանափակվում Բարեկեցության և հաստատությունների գործող օրենսգրքով, Զաղաքացիական օրենսգրքով և HIPAA-ի Գաղտնիության չափանիշներով: Այս տեղեկատվության կրկնօրինակումը հետագա բացահայտման համար արգելվում է, եթե չկա հաճախորդի/խաղորդված ներկայացուցչի նախնական գրավոր թույլտվությունը, որին այն վերաբերում է, եթե այլ բան թույլատրված չէ օրենքով: Այս տեղեկատվության ոչնչացումը պահանջվում է սկզբնական հարցման նշված նպատակի իրականացումից հետո:

Անուն՝

DMH ID#՝

Գործակալություն՝

Մատակարար #՝

Լոս Անջելես վարչաշրջան - Հոգեկան առողջության վարչություն

ԼՈՍ ԱՆՋԵԼԵՍ ՎԱՐՉԱՇՐՋԱՆԻ ՀՈԳԵԿԱՆ ԱՌՈՂՋՈՒԹՅԱՆ ՎԱՐՉՈՒԹՅԱՆ ԻՆՖՐԱՑԱԾՐ ՀԱՃԱԽԱԿԱՆՈՒԹՅԱՆ (ILF) ՆԵՅՐՈԿԵՆՍԱԿԱՌԱՎԱՐՄԱՆ ԲՈՒԺՈՒՄ

ախտանիշների և վարքագծերի մասին:

- Հանդիպման ընթացքում հոգեկան առողջության անձնակազմի անդամն ուշադիր կհետևի հաճախորդներին, հարցեր կտա և փոփոխություններ կկատարի համակարգչային ծրագրում՝ հիմնվելով հաղորդված տեղեկատվության վրա:
- Սեևսորները կարող են փոխվել գլխի տարբեր մասերում սեանսի ընթացքում՝ բոլոր հայտնաբերված ախտանիշներին ու վարքագծերին անդրադառնալու համար: Սեանսն ավարտվելուց հետո սեևսորները հանվում են գլխից ջրով կամ սպիրտով:

Սեանսների քանակը և հաճախականությունը.

- Սեանսները կարող են տևել 30-60 րոպե: Եթե հաճախորդները մտահոգություններ ունենան, կարող են ցանկացած պահի դադարեցնել սեանսը:
- Խորհուրդ է տրվում շարունակել բուժումը 3-6 ամիս՝ շաբաթական 1-2 օր հաճախականությամբ:
- Սեանսները կարող են շարունակվել 6 ամսից ավելի՝ կախված հաճախորդի արձագանքից: Հաճախորդների մեծ մասը շարունակում է բուժումը սկզբնական բուժման կուրսից մեկ տարի անց՝ առաջընթացը շարունակելու համար: Վիճակի պահպանման սեանսները կարող են շարունակվել մեկ տարուց հետո:

Բուժման/Ընթացակարգի հնարավոր օգուտները.

Նեյրոկենսակառավարումը կարող է օգնել կամ նվազեցնել անհանգստության, դեպրեսիայի, ուշադրության պակասի և հիպերակտիվության խանգարման (ADHD), աուտիզմի սպեկտրի խանգարման (ASD) և հետտրավմատիկ սթրեսային խանգարման (PTSD) ախտանիշները: Սա կարող է ներառել.

- Ավելի լավ հուզական կայունություն և հաղթահարման մեխանիզմներ
- Բարելավված կենտրոնացում և ուշադրության տևողություն
- Բարելավված հիշողություն և սովորելու ունակություններ
- Ավելի սուր ճանաչողական մշակման և խնդիրների լուծման հմտություններ
- Զննի որակի բարելավում և քնի խանգարումների նվազում
- Ցավի ընկալման նվազում և կառավարում
- Բարելավված ինքնակառավարում և վարքային վերահսկողություն

Հայտնի հնարավոր կարճաժամկետ կողմնակի ազդեցությունները ներառում, բայց չեն սահմանափակվում հետևյալով.

- Գլխացավեր
- Գլխամաշկին բուժման տեղում անհարմարության զգացում
- Գրգռվածություն
- Խանգարված քուն կամ քնելու դժվարություն
- Թմրություն
- Սրտխառնոց
- Ցածր էներգիա

Երկարաժամկետ բացասական կողմնակի ազդեցությունների կամ բուժման վնասակարության վերաբերյալ որևէ ապացույց չկա: Որոշ հաճախորդներ հայտնել են ախտանիշների ժամանակավոր վատթարացման մասին, որոնք լուրջ չեն եղել և կարողացել են շտկվել սեանսի ընթացքում: Կարևոր է, որ ձեր բժիշկը տեղեկացված լինի ցանկացած փոփոխության կամ

Այս գաղտնի տեղեկատվությունը տրամադրվում է ձեզ՝ ըստ նախանգախի և դաշնային օրենքների և կանոնակարգերի, որը ներառում, բայց չի սահմանափակվում Բարեկեցության և հաստատությունների գործող օրենսգրքով, Քաղաքացիական օրենսգրքով և HIPAA-ի Գաղտնիության չափանիշներով: Այս տեղեկատվության կրկնօրինակում հետագա բացահայտման համար արգելվում է, եթե չկա հաճախորդի/իսկառույցի ներկայացուցչի նախնական գրավոր թույլտվությունը, որին այն վերաբերում է, եթե այլ բան թույլատրված չէ օրենքով: Այս տեղեկատվության ոչնչացումը պահանջվում է սկզբնական հարցման նշված նպատակի իրականացումից հետո:

Անուն՝

DMH ID#՝

Գործակալություն՝

Մատակարար #՝

Լոս Անջելես վարչաշրջան - Հոգեկան առողջության վարչություն

**ԼՈՍ ԱՆՋԵԼԵՍ ՎԱՐՉԱՇՐՋԱՆԻ ՀՈԳԵԿԱՆ ԱՌՈՂՋՈՒԹՅԱՆ
ՎԱՐՉՈՒԹՅԱՆ ԻՆՖՐԱՑԱԾՐ ՀԱՃԱԽԱԿԱՆՈՒԹՅԱՆ (ILF)
ՆԵՅՐՈԿԵՆՍԱԿԱՌԱՎԱՐՄԱՆ ԲՈՒԺՈՒՄ**

բացասական ազդեցության մասին, նույնիսկ եթե դրանք, կարծես, կապված չեն բուժման հետ, որպեսզի այն հնարավոր լինի փոփոխել:

Դեղամիջոցներ.

Կարևոր է տեղեկացնել ձեր բժշկին ձեր ընդունած բոլոր դեղամիջոցների և հավելումների, ինչպես նաև ձեր սովորական ռեժիմի ցանկացած փոփոխության մասին: Զանի որ Նեյրոկենսակառավարումը բարելավում է ուղեղի գործառույթը, դեղամիջոցների դեղաչափը գուցե անհրաժեշտ կլինի ճշգրտել: Երբեք մի՛ դադարեցրեք կամ մի՛ փոխեք որևէ դեղամիջոցի դեղաչափը՝ առանց ձեր բժշկի հսկողության:

- ☐ Ես կարդացել եմ այս ձևաթուղթը:
- ☐ Այս ձևաթուղթը կարդացել եմ ինձ համար:
- ☐ Այս ձևաթուղթը թարգմանվել է _____ ինձ համար:
Եթե այս ձևաթղթի թարգմանված տարբերակը ստորագրվել է հաճախորդի և/կամ պատասխանատու չափահասի կողմից, թարգմանված տարբերակը պետք է կցվի անգլերեն տարբերակին:

Ինձ բացատրվել է Նեյրոկենսակառավարման մասին տեղեկատվությունը՝ ներառյալ հնարավոր օգուտները, ռիսկերը և կողմնակի ազդեցությունները, ինչպես նաև այլընտրանքային բուժումները: Ես համաձայն եմ մասնակցել այս բուժմանը: Ես հասկանում եմ, որ համաձայնությունը ցանկացած պահի կարելի է չեղարկել:

Հաճախորդի ստորագրությունը	Ամսաթիվ
Պատասխանատու չափահասի ստորագրությունը*	Հարաբերությունը հաճախորդի հետ
	Ամսաթիվ

* Պատասխանատու չափահաս = Անհրաժեշտության դեպքում՝ անչափահասի խնամակալը, հոգաբարձուն կամ ծնողը:

Ես բացատրել եմ Նեյրոկենսակառավարման առավելություններն ու կողմնակի ազդեցությունները, ինչպես նշված է 1-ին և 2-րդ էջերում, և ստացել եմ հաճախորդի/պատասխանատու չափահասի տեղեկացված համաձայնությունը:

Բուժաշխատողի ստորագրությունը և աստիճանը	Ամսաթիվ
---	---------

Այս գաղտնի տեղեկատվությունը տրամադրվում է ձեզ՝ ըստ նահանգային և դաշնային օրենքների և կանոնակարգերի, որը ներառում, բայց չի սահմանափակվում Բարեկեցության և հաստատությունների գործող օրենսգրքով, Զաղաքացիական օրենսգրքով և HIPAA-ի Գաղտնիության չափանիշներով: Այս տեղեկատվության կրկնօրինակումը հետագա բացահայտման համար արգելվում է, եթե չկա հաճախորդի/իսկազորված ներկայացուցչի նախնական գրավոր թույլտվությունը, որին այն վերաբերում է, եթե այլ բան թույլատրված չէ օրենքով: Այս տեղեկատվության ոչնչացումը պահանջվում է սկզբնական հարցման նշված նպատակի իրականացումից հետո:

Անուն՝	DMH ID#՝
Գործակալություն՝	Մատակարար #՝
Լոս Անջելես վարչաշրջան - Հոգեկան առողջության վարչություն	